


小溪志

小溪志 卷五

人物

漢

黃公鄣大里人避深山黎己暴秦之世高帝即祖不能一致帝欲廢太子立戚夫人子趙王意如呂后恐用留侯計使太子致禮迎之公與東園公綺里季夏用里先生偕至帝宴置酒太子侍四人從年皆八十餘鬚眉皓白衣冠甚偉上怪問何為者四人前對各言姓名上迺驚曰吾求公避逃我今何自從吾兒遊四人曰陛下輕士善罵臣等義不受



辱竊聞太子仁孝恭儉天下莫不延頸願為太子
死者故來上曰煩公幸調護太子四人為壽畢趨
去上目送之召戚夫人指示曰我欲易之彼四人
輔之羽翼已成難動矣太子卒不易四人力也
公廟在縣東近海昌國縣交界乾道圖經

董黯字叔達一字孝治句章人仲舒六世孫生後漢
時家貧少孤事母盡孝採薪供養甘果美味奔獻
於母母嘗寢疾喜飲大隱溪水不以時得於是築
室溪傍以便日汲厥疾用瘳比舍有王寄者富而
不孝二母各言其子寄聞而銜之伺黯出苦辱其

龍

母黯恐貽母憂默而不言母死慟切負土成龍既
葬斬寄首以祭母自白於官和帝聞其異行特赦
專殺之罪名拜郎中不起黯反葬母於鄆以壽終
由是以慈名溪以董孝名鄉鄆江之俗董然遺風
吳虞翻稱之云盡心色養喪致其哀單身林野烏
獸歸懷怨親之辱曰日報讐海內聞名昭然光著
寶慶志

唐

賀知章字季真少以文詞知名性放夷善談笑賢達
傾慕與族姑子陸象先善象先嘗語人曰吾一日

堅

不見李貞則鄙吝生矣證聖初擢進士趙羣拔類
科初授國子四門博士遷太常博士戶部員外郎
行起居郎祕書少監開元十年兵部尚書張說為
麗正殿修書使奏請知章及祕書員外監徐賢監
察御史趙冬曦皆入書院同撰六典及文纂等書
踰年為直學士轉太常少卿十三年遷禮部侍郎
加集賢院學士一日併謝宰相源乾曜語張說曰
賀公兩命之榮足為光寵元宗自為贊賜之遷太
子右庶子充侍讀是歲封東嶽名知章講定儀注
因奏曰昊天上帝君位五方諸帝臣位帝號雖同

而君臣異位陛下享君位於山上羣臣祀臣位於山下誠足以垂範來葉為變禮之大者也禮成於三初獻亞獻終獻合於一處上曰朕正欲如是故問卿耳俄屬惠文太子薨詔選挽郎而知章取舍不平蔭子喧訴不能止由是改授工部侍郎兼祕書監同正員依舊充集賢院學士帝方寢喜神仙之事詔道士司馬承禎製元真道曲茅山道士李會元製大羅天曲知章製紫清上聖道士肅宗為太子知章授賓客銀青光祿大夫兼正授祕書監累年不遷張九齡罷相於朝中謂曰九齡多事竟

不得與公遷轉以此為恨知章晚節尤誕放邀嬉
里巷自號四明狂客及秘書外監與李適之汝陽
王璵崔宗之蘇晉張旭焦遂李白為酒八仙人白
初自蜀至京師舍於逆旅知章聞其名首訪之請
所為文曰出蜀道難以示讀未竟稱歎數四號為
謫仙人白酷好酒知章因解金龜換酒與白盡醉
又見其烏棲曲曰此可以泣鬼神矣知章醉後屬
辭動成篇卷文不加點咸有可觀善草隸好事者
具筆研從之意有所愜不復拒然紙纔十數字世
傳以為寶天寶二載十二月知章因病夢遊帝居

數日寤乃上疏辭官乞以父子入道俱還故鄉上
許之拜其子典設郎曾為會稽郡司馬令侍養幼
子亦聽為道士三載正月庚子遣左右相以下祖
別於長樂坡皇太子饒送上賦詩贈之至鄉無幾
壽終年八十六肅宗以侍讀之舊乾元元年十一
月詔曰古千秋觀道士賀知章器識夷淡襟懷和
雅神清志逸學富才雄挺會稽之美箭蘊崑岡之
良玉故飛名仙省侍講龍樓常靜默以養閒因談
諧而諷諫以暮齒辭祿再見款誠願追二老之蹤
克遂四明之客允協初志脫落朝衣駕青牛而不

還狎白鷗而長往丹壑非昔人琴西亡惟舊之懷
有深追悼宜加緼禮式展哀榮可贈禮部尚書

唐金

文

徐浩稱四明山人乾元二年上廣孝經十卷授校書

郎非徐季海也

乾道圖經

宋

王致字君一以道義化鄉里諸生子弟師尊之嘗與
牧守言民事王安石復書曰無事於職而愛民之
心乃至於此可以為仁矣仁宗詔天下立學有文
材道義者與本州校官致辭不受後召為祕書省

墓

原本誤

慶歷

校書亦不赴年七十樂道安貧妻收遺棄子拾墮
樵浩歌無悶鄉人莫不高其行稱為鄞江先生卒
葬邑之樓鳳山安石誌墓曰四明士大夫立言以
垂後世者自先生始宰臣陳執中奏錄致文得一
百八十篇藏之秘閣至今以致興楊適杜醕樓郁
王說並祠謂之五先生云 寶慶志

樓郁字子文自奉化徙鄞卜居城南志操高厲尚友
古人自六經至百家傳記之書無所不讀其講解
去處必當於道德之意發為詞章貫穿決洽務極
於理好著書處窮約屢空自樂為鄞令王安石所

尊禮慶歷中州縣立學掌教縣庠者數年郡學又
延請至十餘年學行篤美信於士友登皇祐五年
進士治平初調廬江主簿未幾攝參軍事丁母憂
服除強起以仕郁曰祿不逮親矣非吾志也遂致
仕校大理評事又主郡庠十餘年為州縣士子師
前後凡三十餘年一時英俊皆在席下成就甚眾
門人之知名者豐稷袁穀天台羅適也終於家郁
天資孝友質厚和樂而勇於赴人之急其外夷然
若不見畦町而其內整密雖臨小事亦必有程規
居鄉未嘗竊自標置遇三尺童子翼如也好書不

倦家藏僅萬卷而手鈔者居半人咸以先生稱之
子常治平二年進士官著作佐郎元符三年以朝
奉大夫知台州光有傳肖字夢弼攻小學力紹世
業以特奏名補和州教授延祐志

王說字應求其先睦州人五代時曾祖耕嘗推奉國
軍節度事因家焉說與弟該受學於王致皆著名
敦和靜易退然似不能與人交雖久近莫得而親
疏同致招樓郁杜醕楊通就妙音院立孔子像講
貫經史學者宗之建書院於桃源鄉教授鄉里餘
三十年熙甯九年以特恩補將仕郎為州長史無

田以食無桑麻以衣又未嘗言利於朋友窮閭陋
屋妻子相對怡然自得元豐八年卒年七十六既
歿神宗御書桃源書院四大字賜之贈銀青光祿
大夫賜紫金魚袋長子璿字元圭元豐五年進士
喜藏書以文稱季子珩字彥楚大觀三年進士建
炎初為京師轉運使仕至宗正少卿與朝議蔣璿
郎中顧文衡州守薛朋龜太府少卿汪思溫為五
老會最為鄉里盛事年八十卒

寶慶志

王該字蘊之說之弟學者稱為望春先生王安石宰
鄞與之友善以詩章相唱酬與兄齊聲登慶厯六

年進士第為安福尉使者過境訪金橘對曰民事
嘗有意矣茲非該所知也熙甯中令鄧城官舍傍
有嘉木葉長可尺許每得一詩取葉書之既歿歸
橐蕭然惟脫葉甚富遺稿十卷寶慶志

袁穀字容直一字公濟父揆贈大中大夫穀師教授
樓郁博觀羣書以儒學詞藻擅名當世一試於開
封兩試於鄉皆第一嘉祐六年中進士第熙甯初
知龍泉縣清介一節嘗有詩云滄浪不須濯纓上
本無塵元祐五年通判杭州穀之為開封舉首也
蘇軾實為之亞及貳郡而軾為守相得益驩唱酬

篇什甚富軾一日謂輟曰素知博洽試徵機事數
一夕錄數十百項軾曰可謂博矣數又從而增之
不倦於學如此移知處州歷任至知興化軍為人
磊落明白推誠自信急人之所不足終朝奉大夫
贈光祿大夫子灼有傳寶慶志

樓光郁之子才氣俊偉不羣熙甯九年進士元豐中
調婺州浦江尉歷新無為州判官仁和縣丞後以
承議郎宰畿縣尹以勢臨之不為動未幾罷歸卒
不偶以死子少力學有父風言議英發率傾坐
人視功名若不足以挽馬者事親盡孝道既終喪

貲產一不取與妻子郊居自業安貧裕如謙恭樂
易宗黨鄉曲無不敬而愛之年已八十每取伊洛
道德之言細書手抄日不下數千字以訓子弟云
乾道圖經

樓異字試可常之子元豐八年進士調汾州司理參
軍徙永興虞策幕府監在京文繡院知太宗正丞
元符二年宰登封在縣凡三年遷度支員外郎以
養親求知泗洲復為吏部右司員外郎左司郎中
太府鴻臚卿除直秘閣知秀州政和七年知隨州
入辭請於明州置高麗一司舩百舟應使者之須

穀

畫

以遵元豐舊制州有廣德湖墾而為田收其租可
以給用徽宗納其說改知明州賜金紫出內帑緡
錢六萬為造舟費除湖田七百一十頃歲得穀三
萬六千甚稱上意因令再任加直龍圖閣祕閣修
撰至徽猷閣待制名所居坊曰畫錦郡資湖水灌
溉為利甚廣往者為民包侵畀令盡泄之墾田自
是苦旱鄉人怨之宣和元年畀請越台之鹽以佐
費詔曰明州鹽場三昨以施置不善以鳴鶴一場
隸越猶有二場積鹽以百萬計此而不圖東欲取
於越西欲取於台令析狀以聞二年方臘起睦州